

निर्वाणकांड (हिंदी)  
Nirvāṇakāṇḍa (Hindī)

कविश्री भैया भगवतीदास  
kaviśrī bhaiyā bhagavatīdāsa

(दोहा)

वीतराग वंदूं सदा, भावसहित सिर नाय |  
कहूँ कांड निर्वाण की, भाषा सुगम बनाय ||१||

(dōhā)

Vītarāga vanduṁ sadā, bhāvasahita sira nāya |  
Kahūṁ kāṇḍa nirvāṇa kī, bhāṣā sugama banāya ||1||

(चौपाई छन्द)

‘अष्टापद’ आदीश्वर स्वामि, वासुपूज्य ‘चंपापुरि’ नामि |  
नेमिनाथ स्वामी ‘गिरनार’, वंदूं भाव भगति उर धार ||२||

(caupār'i chanda)

‘Aṣṭāpada’ ādīśvara svāmi, vāsupūjya ‘campāpuri’ nāmi |  
Nēminātha svāmī ‘giranāra’, vanduṁ bhāva bhagati ura dhāra ||2||

चरम तीर्थकर चरम शरीर, ‘पावापुरि’ स्वामी महावीर |  
‘शिखर सम्मेद’ जिनेश्वर बीस, भाव सहित वंदूं निश दीस ||३||

Carama tīrthakara carama śarīra, ‘pāvāpuri’ svāmī mahāvīra |  
‘Sikhara sam'mēda’ jinēśvara bīsa, bhāva sahita vanduṁ niśa dīsa ||3||

वरदत्तराय रु इंद्र मुनिंद्र, सायरदत्त आदि गुणवृंद |

‘नग सु तारवर’ मुनि उठकोड़ि, वंदूं भाव सहित कर जोड़ि ||४||

Varadattarāya ru indra munindra, sāyaradatta ādi guṇavṛnda |  
‘Naga su tāravara’ muni uṭhakōṛi, vanduṁ bhāva sahita kara jōṛi ||4||

श्री ‘गिरनार’ शिखर विख्यात, कोड़ि बहत्तर अरु सौ सात |

शम्भु-प्रद्युम्न कुमर द्वय भाय, अनिरुद्ध आदि नमूँ तसु पाय ||५||

Srī 'giranāra' śikhara vikhyāta, kōṛi bahattara aru sau sāta |  
Sambhu-pradyumna kumara dvaya bhāya, anirud'dha ādi namūṁ tasu pāya ||5||

रामचंद्र के सुत द्वय वीर, लाड नरिंद आदि गुणधीर |  
पाँच कोड़ि मुनि मुक्ति मँझार, 'पावागढ़' वंदू निरधार ||६||

Rāmacandra kē suta dvaya vīra, lāḍa narinda ādi guṇadhīra |  
Pāñca kōṛi muni mukti mañjhāra, 'pāvāgaṛha' vandurṁ niradhāra ||6||

पांडव तीन द्रविड़ राजान, आठ कोड़ि मुनि मुक्ति पयान |  
श्री 'शत्रुंजय गिरि' के सीस, भाव सहित वंदू निश दीस ||७||

Pāṇḍava tīna draviṛa rājāna, āṭha kōṛi muni mukati payāna |  
Srī 'śatruñjaya giri' kē sīsa, bhāva sahita vandurṁ niśa dīsa ||7||

जे बलभद्र मुक्ति में गये, आठ कोड़ि मुनि औरहु भये |  
श्री 'गजपंथ' शिखर सुविशाल, तिनके चरण नमूँ तिहुँकाल ||८||

Jē balabhadra mukati mēm gayē, āṭha kōṛi muni aurahu bhayē |  
Srī 'gajapantha' śikhara suviśāla, tinakē caraṇa namūṁ tihumkāla ||8||

राम हनू सुग्रीव सुडील, गवय गवाख्य नील महानील |  
कोड़ि निन्याणवे मुक्ति पयान, 'तुंगीगिरि' वंदू धरि ध्यान ||९||

Rāma hanū sugrīva suḍīla, gavaya gavākhyā nīla mahānīla |  
Kōṛi nin'yāṇavē mukti payāna, 'tuṅgīgiri' vandurṁ dhari dhyāna ||9||

नंग अनंगकुमार सुजान, पाँच कोड़ि अरु अर्ध प्रमान |  
मुक्ति गये 'सोनागिरि' शीश, ते वंदू त्रिभुवनपति ईश ||१०||

Naṅga anaṅgakumāra sujāna, pāñca kōṛi aru ardha pramāna |  
Mukti gayē 'sōnāgiri' śīśa, tē vandurṁ tribhuvanapati īśa ||10||

रावण के सुत आदिकुमार, मुक्ति गये 'रेवा-तट' सार |  
कोटि पंच अरु लाख पचास, ते वंदू धरि परम हुलास ||११||

Rāvaṇa kē suta ādikumāra, mukti gayē 'rēvā-taṭa' sāra |  
Kōṭi pañca aru lākha pacāsa, tē vandurṁ dhari parama hulāsa ||11||

रेवानदी 'सिद्धवर कूट', पश्चिम दिशा देह जहँ छूट |  
द्वय चक्री दश कामकुमार, उठकोडि वंदूं भव पार || १२ ||

Rēvānadī 'sid'dhavera kūṭa', paścima diśā dēha jaham̃ chūṭa |  
Dvaya cakrī daśa kāmakumāra, uṭhakōḍi vandūṃ bhava pāra || 12 ||

'बड़वानी' बड़नयर सुचंग, दक्षिण दिशि 'गिरि चूल' उतंग |  
इंद्रजीत अरु कुंभ जु कर्ण, ते वंदूं भवसायर तर्ण || १३ ||

'Baṛavānī' baṛanayara sucaṅga, dakṣiṇa diśi 'giri cūla' utaṅga |  
Indrajīta aru kumbha ju karṇa, tē vandūṃ bhavasāyara tarṇa || 13 ||

सुवरणभद्र आदि मुनि चार, 'पावागिरिवर' शिखर मँझार |  
चेलना नदी-तीर के पास, मुक्ति गये वंदूं नित तास || १४ ||

Suvaraṇabhadrā ādi muni cāra, 'pāvāgīrivara' śikhara maṅjhāra |  
Cēlanā nadī-tīra kē pāsa, mukti gayē vandūṃ nita tāsa || 14 ||

फलहोड़ी बड़गाम अनूप, पश्चिम दिशा 'द्रोणगिरि' रूप |  
गुरुदत्तादि मुनीश्वर जहाँ, मुक्ति गये वंदूं नित तहाँ || १५ ||

Phalahōḍī baṛagāma anūpa, paścima diśā 'drōṇagiri' rūpa |  
Gurudattādi munīśvara jahām̃, mukti gayē vandūṃ nita tahām̃ || 15 ||

बाल महाबाल मुनि दोय, नागकुमार मिले त्रय होय |  
श्री 'अष्टापद' मुक्ति मँझार, ते वंदूं नित सुरत संभार || १६ ||

Bāla mahābāla muni dōya, nāgakumāra milē traya hōya |  
Srī 'aṣṭāpada' mukti maṅjhāra, tē vandūṃ nita surata sambhāra || 16 ||

अचलापुर की दिश ईसान, तहाँ 'मेंढगिरि' नाम प्रधान |  
साढ़े तीन कोडि मुनिराय, तिनके चरण नमूँ चित लाय || १७ ||

Acalāpura kī diśa r'isāna, tahām̃ 'mēṅṛhagiri' nāma pradhāna |  
Sāṛhē tīna kōḍi munirāya, tinakē caraṇa namūṅ cīta lāya || 17 ||

वंसस्थल वन के ढिँग होय, पच्छिम दिशा 'कुंथुगिरि' सोय |  
कुलभूषण देशभूषण नाम, तिनके चरणनि करूँ प्रणाम || १८ ||

Vansasthala vana kē ḍhiṅga hōya, pacchima diśā 'kunthugiri' sōya |  
Kulabhūṣaṇa dēśabhūṣaṇa nāma, tinakē caraṇani karūṁ praṇāma ||18||

जसरथ राजा के सुत कहे, देश कलिंग पाँच सौ लहे |  
'कोटिशिला' मुनि कोटि प्रमान, वंदन करूँ जोड़ जुग पान ||१९||  
Jasaratha rājā kē suta kahē, dēśa kaliṅga pāñca sau lahē |  
'Kōṭīśilā' muni kōṭi pramāna, vandana karūṁ jōṛa juga pāna ||19||

समवसरण श्री पार्श्व जिनंद, 'रेसिंदीगिरि' नयनानंद |  
वरदत्तादि पंच ऋषिराज, ते वंदूँ नित धरम जिहाज ||२०||  
Samavasaraṇa śrī pārśva jinanda, 'rēsindīgiri' nayanānanda |  
Varadattādi pañca ṛṣirāja, tē vandurṁ nita dharama jihāja ||20||

'मथुरापुरी' पवित्र उद्यान, जम्बूस्वामी जी निर्वाण |  
चरम केवली पंचमकाल, ते वंदूँ नित दीनदयाल ||२१||  
'Mathurāpurī' pavitra udyāna, jambūsvāmī jī nirvāṇa |  
Carama kēvalī pañcamakāla, tē vandurṁ nita dīnadayāla ||21||

तीन लोक के तीरथ जहाँ, नित प्रति वंदन कीजे तहाँ |  
मन वच काय सहित सिरनाय, वंदन करहिँ भविक गुणगाय ||२२||  
Tina lōka kē tīratha jahāṁ, nita prati vandana kījē tahāṁ |  
Mana vaca kāya sahita siranāya, vandana karahiṁ bhavika guṇagāya ||22||

संवत सतरह-सौ इकताल, आश्विन सुदि दशमी सुविशाल |  
'भैया' वंदन करहिँ त्रिकाल, जय निर्वाणकांड गुणमाल ||२३||  
Samvata sataraha-sau ikatāla, āśvina sudi daśamī suviśāla |  
'Bhaiyā' vandana karahiṁ trikāla, jaya nirvāṇakāṇḍa guṇamāla ||23||

॥ इत्याशीर्वादः पुष्पांजलिं क्षिपेत् ॥

॥ Ityāśīrvāda: Puṣpāñjalim kṣipēt ॥

\* \* \* A \* \* \*